

Stone-henge.

Septentriones versus ad VI plus minus à Sarif-
buria milliaria, in illa planitie, infana (ut Cicero-
nis verbo utar) conspicitur substructio. Intra
fossam enim ingentia, & rudia saxa, quorum non-
nulla XXVIII pedes altitudine, VII latitudine
colligunt, coronæ in modum triplici ferie eri-
guntur, quibus alia quasi transversaria, sic inni-
runtur, ut pensile videatur opus: unde Stonehenge
nobis nuncupatur, uti antiquis historicis Gigantum
Chorea à magnitudine. Ejus vero qualemcunque
delineationem cum verbis satis commode expri-
mi non potest, inferius post Alexandri Nechami
versus opera sculptoris subjungendam curavi.

Saxa fa-
ctitia.

Hoc in miraculorum numerum referunt no-
strates. Unde vero ejusmodi saxa allata fuerint,
cum tota regione finitima vix struictiles lapides
inveniantur, & quam ratione subrecta, demi-
rantur. De his non mihi subtilius disputandum,
sed dolentius deplorandum obliteratos esse tan-
ti monumenti authores. Attamen sunt qui ex-
istimant saxa illa non viva esse, id est, naturalia
& excisa, sed factitia ex arena pura, & unctuofo
aliquo coagmentata: quemadmodum illa tro-
phæa quæ in Eboracensi agro vidimus. Et quid
mirum? Nonne apud Plinium legimus, pulve-
rem Puteolanum fluctibus merfum protinus fie-
ri lapidem? & cisternas Romæ ex arena fossitia,
& calce vehementissima ita constructas, ut lapi-
des videantur; Statuasque è marmorum crustu-

lis tanta firmitudine coagmentatas, ut ex solido
marmore judicentur. Fama obtinet, Ambrosium
Aurelianum, sive Utherum ejus fratrem in Bri-
tannorum memoriam qui ibi Saxonum dolo, in
colloquio ceciderunt, illa Merlini Mathematici
opera posuisse. Unde Alexander Nechamus
medii temporis Poëta, poëtico cæstro percitus,
sed non Apolline plenus, ex Britannica Gal-
fredi historia sic lusit,

*Nobilis est lapidum structura, Chorea Gigantum,
Ars experta suum posse, pergit opus.*

*Quod ne prodiret in lucem segnius, artem
Se, viresque suas consuluisse reor.*

*Hoc opus adscribit Merlino garrula fama,
Filia figmenti fabula vana refert.*

*Illam congerie fertur decorata fuisse
Tellus, qua mittit tot Palamedis aves.*

*Hinc tantum munus suscepit Hibernia gaudens,
Nam virtus lapidi cuilibet ampla satis.*

*Nam resperfus aquis magnam transfundit in illa
Vim, queis curari sæpius æger eget.*

*Uther Pendragon molem transvexit ad Ambri
Fines, devicto victor ab hoste means.*

*O quot nobilium, quot corpora sacra virorum,
Illic Hengisti prodicione jacent!*

*Intercepta fuit gens incluta, gens generosa
Intercepta, nimis credula, cauta minus.*

*Sed tunc enituit præclari Consulis Eldol
Virtus, qui letho septuaginta dedit.*



Alii produnt Britannos hoc quasi magnificentum
sepulchrum eidem Ambrosio substruxisse eo lo-

ci, ubi hostili gladio ille periit, ut publicis operi-
bus contactus esset, eaque exstructione, quæ sit